



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

**Sumáriu Kazu
Tribunál Distritál Suai
Marsu 2016**

A. Sumáriu prosesu julgamentu kazu iha Tribunál Distritál Suai

1. Totál kazu ne'ebé JSMP monitoriza : 15

Tipu Kazu	Númeru
Artigu 145 Kódigu Penál (KP) & 35 Lei Kontra Violénsia Domésika (LKVD) - Ofensa ba integridade física simples ho forma Violénsia Doméstika	7
Artigu 145 KP - Ofensa ba integridade física simples	6
Artigu 258 - Danu simples	1
Artigu 157 & 258 KP - Ameasa	1
Totál	15

2. Totál desizaun ne'ebé JSMP monitoriza :14

Tipu desizaun	Númeru
Suspensaun ba pena prizaun tuir Artigu 68 husi Kódigu Penál	6
Pena multa tuir Artigu 67 husi Kódigu Penál	2
Omologu	6
Totál	14

3. Total kazu sira ne'ebé adia: 1

Razaun adiamantu	Númeru
Lezadu la marka prezensa	1
Totál	1

B. Deskripsiun sumáriu ba desizaun kazu sira

1. Krime ofensa ba integridade física simples ho natureza violénsia doméstika

Nú. Prosesu : 234/PEN/15/TDS

Kompozisaun tribunál : Singulár

Juis	: Dr. Samuel da Pacheco
Ministériu Públiku	: Dr. Bartolomeo de Araújo
Defeza	: Dr. Joanico da Costa (pesoa idonia)
Tipu desizaun	: Pena prizaun fulan 6 suspende ba tinan 1

Iha 01 Marsu 2016, Tribunál Distritál Suai prezide leitura sentensa ba krime ofensa ba integridade física simples ho natureza violénsia doméstika ne'ebé involve arguidu BA hasoru nia feen, iha Distritu Covalima.

Ministériu Públiku akuza katak iha 22 Dezembru 2012, iha tuku 08:00 kalan, arguidu no lezada diskute malu tanba lezada lakohi ba hatoba sira nia oan. Arguidu basa dala ida iha lezada nia hasan karuk no tebe dala ida iha lezada nia kidan no liman sikun. Aktu ne'e rezulta lezada sofre moras no bubu iha lezada nia hasan no kidan.

Ministériu Públiku akuza arguidu kontra artigu 145 Kódigu Penál kona-ba ofensa ba integridade física simples konjuga ho artigu 2, 3 no 35 (b) Lei Kontra Violénsia Doméstika.

Iha prosesu julgamentu, arguidu deklara katak nia basa lezada dala ida iha lezada nia hasan karuk maibé nia rekuza katak nia tebe lezada. Enkuantu, lezada kontinua reforsa akuzasaun ministériu públiku maibé deklara katak nia perdua ona arguidu.

Iha alegasaun finál, ministériu públiku husu ba tribunál atu kondena arguidu ho pena prizaun fulan 6 no suspende ba tinan 1. Ministériu Públiku husu pena ne'e atu halo prevensaun jerál ba krime violénsia doméstika no eduka arguidu atu la repete tan ninia hahalok iha futuru. Iha parte seluk, defeza husu ba tribunál atu aplika pena suspensaun ne'ebé kmaan, no justu ba arguidu.

Depois avalia prosesu ne'e hotu, tribunál konklui prosesu ne'e no kondena arguidu ho pena prizaun fulan 6 suspende ba tinan 1, no selu kustu judisiál US\$50.00.

2. Krime ofensa ba integridade física simples ho natureza violénsia doméstika

Nú. Prosesu	: 304/PEN/2015/TDS
Kompozisaun tribunál	: Singulár
Juis	: Dr. Benjamin Barros
Ministériu Públiku	: Dr. Bartolomeo de Araújo
Defeza	: Dr. Joanico da Costa (pesoa idonia)
Tipu desizaun	: Pena prizaun fulan 6 suspende tinan 1

Iha 15 Marsu 2016, Tribunál Distritál Suai prezide leitura sentensa ba krime ofensa ba integridade física simples ho natureza violénsia doméstika ne'ebé involve arguidu EM hasoru nia feen, iha Distritu Covalima.

Iha julgamentu antes, ministériu pùbliku akuza katak iha 22 Novembru 2014, arguidu ho lezada diskute malu tanba arguidu diskonfia lezada ba mane seluk no lezada lakontente ho arguidu nia hahalok ne'e. Depoisde ne'e arguidu basa no tuku lezada dala ida iha hasan loos no buti lezada nia kakorok. Aktu ne'e rezulta lezada sofre moras no bubu iha lezada nia hasan no kakorok.

Ministériu Pùbliku akuza arguidu kontra artigu 145 Kódigu Penál kona-ba ofensa ba integridade fizíka simples konjuga ho artigu 2, 3 no 35 (b) Lei Kontra Violénsia Doméstika.

Iha prosesu julgamentu, arguidu deklara parsial de'it ba faktus balun katak nia basa no tuku duni lezada, maibé rekuza katak faktu seluk kona-ba buti lezada nia-kakorok. Arguidu deklara katak nia arrepende ona nia hahalok. Maske nune'e, lezada kontinua reforsa akuzasaun ministériu pùbliku no deklara katak nia perdua ona arguidu.

Iha alegasaun finál, ministériu pùbliku husu ba tribunál atu aplika pena prizaun tinan ida no suspende ba tinan rua. Ministériu Pùbliku husu pena ne'e, atu halo prevensaun jerál ba krime violénsia doméstika no eduka arguidu atu la komete tan krime hasoru nia feen iha futuru. Defeza husu ba tribunál atu fó pena suspensaun ne'ebé justu no adekuada ba arguidu.

Depoisde avalia prosesu ne'e hotu, tribunál konklui no kondena arguidu ho pena prizaun fulan 6 suspende ba tinan 1, no selu kustu judisiál US\$20.00.

3. Krime ofensa ba integridade fizíka simples ho natureza violénsia doméstika

Nú. Prosesu	: 207/PEN/15/TDS
Kompozisaun tribunál	: Singulár
Juis	: Dr. Samuel da Costa Pacheco
Ministériu Pùbliku	: Dr. Matias Soares
Defeza	: Dr. Manuel Amaral
Tipu desizaun	: Pena prizaun tinan 1 suspende ba tinan 1

Iha 02 Marsu 2016, Tribunál Distritál Suai prezide leitura sentensa ba krime ofensa ba integridade fizíka simples ho natureza violénsia doméstika ne'ebé involve arguidu JARMQ hasoru nia feen, iha Distritu Covalima.

Ministériu Pùbliku akuza katak iha 17 Maiu 2015, arguidu ho lezada diskute malu. Lezada hakarak servisu iha NGO HLT maibé arguidu la-konkorda. Arguidu tuku dala 1 iha lezada nia reen-toos no basa dala barak iha lezada nia hasan parte loos no halo lezada monu ba rai. Aktu ne'e rezulta lezada sente moras no bubu iha nia reen-tos no hasan sorin loos.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples konjuga ho artigu 2, 3 no 35 (b) Lei Kontra Violénsia Doméstika.

Iha prosesu julgamentu, arguidu konfesa integralmente ba faktus iha akuzasaun no deklara katak nia arrepende ba ninia hahalok. Enkuantu, lezada kontinua reforsa akuzasaun ministériu públiku no deklara katak nia perdua ona arguidu.

Iha alegasaun finál, ministériu públiku husu ba tribunál atu kondena arguidu ho pena multa. Aleinde ne'e, defeza mós konkorda ho alegasaun hosi ministériu públiku nian no husu atu aplika pena multa ne'ebé ekilíbriu ho arguidu nia kapasidade.

Depoisde avalia faktu sira ne'e hotu, tribunál konklui prosesu ne'e no kondena arguidu ho pena prizaun tinan 1 suspende ba tinan 1, no selu kustu judisiál US\$50.00.

4. Krime ofensa ba integridade fízika simples ho natureza violénsia doméstika

Nú. Prosesu	: 212/PEN/15/TDS
Kompozisaun tribunál	: Singulár
Juis	: Dr. Benjamin Barros
Ministériu Públiku	: Dr. Bartolomeo de Araújo
Defeza	: Dr. João Henrique de Carvalho
Tipu desizaun	: Pena prizaun fulan 6 suspende ba tinan 1

Iha 15 Marsu 2016, Tribunál Distritál Suai prezide leitura sentensa ba krime ofensa ba integridade fízika simples ho natureza violénsia doméstika ne'ebé involve arguidu MQA hasoru nia feen, iha Distritu Covalima.

Iha julgamento antes, ministériu públiku akuza katak iha 01 Marsu 2015, iha tuku 07:00 dadersan arguidu ho lezada diskute malu tanba lezada dehan katak nia lahetan ka lahare arguidu nia konta bankaria. Arguidu tuku dala ida iha lezada nia ulun no kauza lezada oin halai, sofre moras no bubu iha lezada nia ulun.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples konjuga ho artigu 2, 3, no 35 (b) Lei Kontra Violénsia Doméstika.

Iha prosesu julgamentu, arguidu konfesa integralmente ba faktus iha akuzasaun no deklara katak nia arrepende ona ninia hahalok. Enkuantu, lezada kontinua reforsa akuzasaun ministériu públiku maibé deklara mós katak nia perdua ona arguidu. Aleinde ne'e, to'o agora sira moris hamutuk nu'udar feen ho laen hanesan baibain.

Iha alegasaun finál, ministériu públiku husu ba tribunál atu kondena arguidu ho pena prizaun tinan 1 no suspende ba tinan 2. Ministériu Públiku husu pena ne'e, atu halo prevensaun jerál ba krime violénsia doméstika no eduka arguidu atu la repete ninia hahalok ne'e iha futuru. Iha parte seluk, defeza husu atu aplika pena multa ne'ebé justu no adekuada ba arguidu.

Depoisde avalia faktu sira ne'ebé asosiadu iha kazu ne'e, tribunál konklui prosesu ne'e no kondena arguidu ho pena prizaun fulan 6 suspende ba tinan 1, no selu kustu judisiál US\$50.00.

5. Krime danu simples

Nú. Prosesu	: 192/PEN/15/TDS
Kompozisaun tribunál	: Singulár
Juis	: Dr.Benjamin Barros
Ministériu Públiku	: Dr. Bartolomeo de Araujo
Defeza	: Dr.João Henrique de Carvalho
Tipu desizaun	: Omologa

Iha 02 Marsu 2016, Tribunál Distritál Suai prezide prosesu tentativa konsiliaun ba krime danu simples ne'ebé involve arguidu IG hasoru lezada AC, iha Distritu Covalima.

Iha prosesu konsiliaun ne'e, lezada ho konsensia rasik hakarak dezisténsia keixa, tanba arguidu arrepende ona nia sala no prontu selu fali sasan sira ne'ebé nia estraga. Arguidu promete sei la halo tan krime ne'e iha futuru hasoru lezada no ba ema seluk.

Ministériu Públiku akuza katak iha loron 01 Maiu 2015, arguidu ho lezada diskute malu kona-ba baliza rai, no ikus mai arguidu lori ai-rohan ida tuda ba lezada nia kios no estraga serveja lata haat, aqua boot ida. Aleinde ne'e, arguidu mós baku rahun batako rua.

Ministériu Públiku akuza arguidu kontra artigu 258 kona-ba danu simples ne'ebé nia moldura penal entre tinan tolu ka multa.

Iha alegasaun finál, ministériu públiku no defeza konkorda ho parte rua nia akordu dame ne'e, no husu ba tribunál atu omologa prosesu refere.

Bazeia ba akordu hosi parte rua no pedidu dezisténsia hosi lezada, tribunál konklui no omologa akordu ne'e.

6. Krime ofensa ba integridade fizika simples ho natureza violénsia doméstika

Nú. Prosesu	: 148/PEN/15/TDS
Kompozisaun tribunál	: Singulár
Juis	: Dr. Samuel da Costa Pacheco

Ministériu Públiku	: Dr. Bartolomeo de Araujo
Defeza	: Dr. Rafael Gusmão
Tipu desizaun	: Pena prizaun tinan 1 suspende ba tinan 1

Iha 03 Marsu 2016, Tribunál Distritál Suai prezide leitura sentensa ba krime ofensa ba integridade física simples ho natureza violénsia doméstika ne'ebé involve arguidu FS hasoru nia feen, iha Distritu Covalima.

Ministériu Públiku akuza katak iha 26 Abril 2015, arguidu hoлезада diskute malu tanba arguidu fila mai uma iha kalan boot. Arguidu tuku dala tolu ihaлезада nia kotuk laran, rasta ba uma laran, siluлезада nia liman ba iha sofa leten no tebe dala ida iha kidan. Aktu hirak ne'e rezultaлезада sofre moras no bubu ihaлезада nia kotuk laran, liman no kidan.

Ministériu Públiku akuza arguidu kontra artigu 145 Kódigu Penál kona-ba ofensa ba integridade física simples konjuga ho artigu 2, 3 no 35 (b) Lei Kontra Violénsia Doméstika.

Iha prosesu julgamentu, arguidu konfesa integralmente ba faktus sira iha akuzasaun no deklara katak nia arrepende ba ninia hahalok. Aleinde ne'e,лезада continua reforça faktu sira iha akuzasaun ministériu públiku nian. Maske nune'e,лезада deklara katak nia perdua ona arguidu no too agora sira moris hamutuk hanesan feen ho laen.

Iha alegasaun finál, ministériu públiku husu ba tribunál atu kondena arguidu ho pena prizaun fulan 6 no suspende ba tinan 1. Ministériu Públiku husu pena ne'e, atu halo prevensaun jerál ba krime violénsia doméstika no eduka arguidu atu la repete ninia hahalok ne'e iha futuru. Iha parte seluk, defeza husu ba tribunál atu aplika Pena suspensaun ne'ebé kmaan no justu ba arguidu.

Depoisde avalia faktus hirak ne'e hotu, tribunál konklui prosesu ne'e no kondena arguidu ho pena prizaun tinan 1 suspende ba tinan 1 inklui selu kustu judisiál US\$100.

7. Krime ofensa ba integridade física simples ho natureza violénsia doméstika

Nú. Prosesu	: 305/PEN/15/TDS
Kompozisaun tribunál	: Singulár
Juis	: Dr. Benjamin Barros
Ministériu Públiku	: Dr. Bartolomeo de Araújo
Defeza	: Dr. Gaspar Fereira Gusmão (Advogadu Privadu)
Tipu desizaun	: Pena multa US\$60.00

Iha 15 Marsu 2016, Tribunál Distritál Suai prezide leitura sentensa ba krime ofensa ba integridade física simples ne'ebé involve arguidu MdC hasoru nia feen, iha Distritu Covalima.

Iha julgamento antes, ministériu públiku akuza katak iha 05 Setembru 2015, arguidu ho lezada diskute malu tanba arguidu fila uma iha kalan boot. Arguidu basa dala ida iha lezada nia hasan parte loos no rezulta lezada sofre moras iha nia hasan.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples konjuga ho artigu 35 (b) Lei Kontra Violénsia Doméstika.

Iha prosesu julgamento, arguidu konfesa integralmente ba faktus sira iha akuzasaun no deklara katak nia arrepende ba ninia hahalok. Nune'e mós lezada kontinua reforsa akuzasaun ministériu públiku no deklara katak nia perdua ona arguidu no too agora arguidu nunka baku nia.

Iha alegasaun finál, ministériu públiku husu ba tribunál atu kondena arguidu ho pena prizaun tinan 1 fulan 6 no suspende ba tinan 2. Ministériu Públiku husu pena ne'e, atu halo prevensaun jerál ba krime violénsia doméstika no eduka arguidu atu la repete ninia hahalok ne'e iha futuru. Iha parte seluk, defeza husu atu aplika pena multa ne'ebé justu no adekuada ba arguidu.

Tribunál konklui prosesu no kondena arguidu ho pena multa US\$60 kada loron sei selu US\$ 1.00 durante loron 60. Wainhira arguidu lakumpri pena ne'e arguidu sei hetan kastigu loron 40 iha prizaun.

8. Krime ofensa ba integridade fízika simples

Nú. Prosesu	: 205/PEN/15/TDS
Kompozisaun tribunál	: Singulár
Juis	: Dr. Constâncio Barros Basmery
Ministériu Públiku	: Dr. Bartolomeo de Araujo
Defeza	: Dr. João Henrique de Carvalho
Tipu desizaun	: Omologa

Iha 04 Marsu 2016, Tribunal Distritál Suai prezide prosesu tentativa konsiliaisaun ba krime ofensa ba integridade fízika simples ne'ebé involve arguidu VdS, FdS, no HOS hasoru lezadu BG, iha Distritu Covalima.

Iha prosesu konsiliaisaun ne'e, lezadu deklara katak nia prontu atu dezisté fali nia keixa hasoru arguidu sira, tanba arguidu sira arrepende ona sira nia sala no husu ona desculpa ba lezadu. Arguidu sira promete sei la halo tan krime ne'e iha futuru hasoru lezadu no ema seluk.

Antes ne'e, ministériu públiku akuza arguidu sira kontra artigu 145 kona-ba ofensa ba integridade fízika simples.

Ministériu Públiku akuza katak iha 26 Maiu 2015, arguidu sira bolu lezadu atu ba hemu tua maibé lezadu lakohi no tanba ne'e sira diskute malu no arguidu sira tuku lisuk lezadu no lezadu senti moras iha kotuk laran.

Iha alegasaun finál, ministériu públiku no defeza konkorda ho parte rua nia akordu dame ne'e, no husu ba tribunál atu omologa prosesu refere.

Bazeia ba akordu hosi parte rua no pedidu dezisténsia hosi lezadu, tribunál konklui prosesu ne'e no omologa akordu hosi parte sira.

9. Krime ofensa ba integridade fízika simples

Nú. Prosesu	: 228/PEN/15/TDS
Kompozisaun tribunál	: Singulár
Juis	: Dr.Samuel da Costa Pacheco
Ministériu Públiku	: Dr. Bartolomeo de Araújo
Defeza	: Dr.Gaspar Fereira Gusmão (Advogadu Privadu)
Tipu desizaun	: Omologa

Iha 04 Marsu 2016, Tribunál Distritál Suai prezide prosesu tentativa konsiliaun ba krime ofensa ba integridade fízika simples ne'ebé involve arguidu AFM, MM no AdC hasoru lezadu MI, iha Distritu Covalima.

Iha prosesu konsiliaun ne'e, lezadu ho konsensia rasik deklara katak nia hakarak husu dezisténsia ba nia keixa hasoru arguidu sira. Iha prosesu ne'e arguidu sira deklara katak sira arrepende ona sira sala no husu ona deskulpa ba lezadu inklui fó fahi ida. Aleinde ne'e, arguidu sira promete sei la halo tan krime ne'e iha futuru hasoru lezadu no ema seluk.

Antes ne'e, ministériu públiku akuza katak iha 14 Fevereiru 2014 arguidu sira ba baku lezadu iha lezadu ninia uma sein razaun rumá ne'ebé klaru.

Ministériu Públiku akuza katak arguidu sira kontra artigu 145 Kódigu Penál kona-ba ofensa ba integridade fízika simples.

Iha alegasaun finál, ministériu públiku no defeza konkorda ho parte rua nia akordu dame ne'e no husu ba tribunál atu omologa prosesu refere.

Bazeia ba akordu hosi parte rua no pedidu dezisténsia hosi lezadu, tribunál konklui no omologa prosesu ne'e.

10. Krime ameasa

Nú. Prosesu	: 176/PEN/15/TDS
-------------	------------------

Kompozisaun tribunál	: Singulár
Juis	: Dr.Samuel Pacheco
Ministériu Públiku	: Dr. Bartolomeo de Araújo
Defeza	: Dr. Gaspar Fereira Gusmão (Advogadu Privadu)
Tipu desizaun	: Omologa

Iha 04 Marsu 2016, Tribunál Distritál Suai prezide prosesu tentativa konsiliasaun ba krime ameasa ne'ebé involve arguidu BC hasoru lezadu BdS, iha Distritu Covalima.

Iha prosesu konsiliasaun ne'e, arguidu konfesa nia hahalok no deklara katak nia arrepende ona nia sala. Arguidu promete sei la halo tan krime ne'e iha futuru hasoru lezadu no ba ema seluk. Tanba ne'e lezadu ho konsensia rasik deklara katak nia hakarak deziste ninia keixa.

Ministériu Públiku akuza katak iha loron 14 Outubru 2014 arguidu ho lezadu diskute malu kona-ba baliza rai, no arguidu lori katana ameasa lezadu.

Ministériu Públiku akuza katak arguidu kontra artigu 157 Kódigu Penál kona-ba ameasa.

Iha alegasaun finál, ministériu públiku no defeza konkorda ho parte rua nia akordu dame ne'e, no husu ba tribunál atu omologa prosesu refere.

Bazeia ba akordu hosi parte rua no pedidu dezisténsia hosi lezadu, tribunál konklui prosesu ne'e no omologa akordu hosi parte sira.

11. Krime ofensa ba integridade fízika simples

Nú. Prosesu	: 232/PEN/15/TDS
Kompozisaun tribunál	: Singulár
Juis	: Dr.Benjamin Barros
Ministériu Públiku	: Dr. Bartolomeo de Araujo
Defeza	: Dr.João Henrique de Carvalho
Tipu desizaun	: Pena multa US\$160.00

Iha 15 Marsu 2016,Tribunál Distritál Suai prezide leitura sentesa ba krime ofensa ba integridade fízika simples ne'ebé involve arguidu MA ho GC hasoru lezadu JG, iha Distritu Covalima.

Ministériu Públiku akuza katak iha 21 Setembru 2015 arguidu sira ho lezadu diskute malu. Arguidu sira la konkorda atu lezadu mak rezolve problema ne'e iha lia nain sira. Tanba ne'e arguidu MA tuku dala ida ba lezadu nia tilun-hun no arguidu seluk GC basa iha lezadu nia hasan parte loos no resulta lezadu sofre moras, no ran sai tanba monu sa'e ba iha fatuk ida nia leten.

Ministériu Públiku akuza arguidu kontra artigu 145 kona-ba ofensa ba integridade fízika simples.

Iha prosesu julgamentu, arguidu sira konfesa sira ninia hahalok no deklara katak sira arrepende ona sira nia sala. Arguidu sira promete sei la halo tan krime ne'e iha futuru. Aleinde ne'e, lezadu mós kontinua reforsa akuzasaun ministériu públiku.

Iha alegasaun finál, ministériu públiku husu ba tribunál atu kondena arguidu sira ho pena prizaun fulan 6 no suspende ba tinan 1. Ministériu Públiku husu pena ne'e, atu prevene no eduka arguidu sira atu la repete sira nia hahalok ne'e iha futuru. Enkuantu, defeza husu ba tribunál atu aplika pena suspensaun ne'ebé kmaan no justu ba arguidu.

Depoisde avalia prosesu ne'e hotu, tribunál konklui no kondena arguidu MA ho pena multa US\$90.00 no selu kustu judisiál US\$10.00. Entretantu ba arguidu GC, tribunál kondena ho pena multa US\$60.00 no selu kustu judisiál US\$10.00.

12. Krime ofensa ba integridade fízika simples ho natureza violénsia doméstika

Nú. Prosesu	: 28/PEN/15/TDS
Kompozisaun tribunál	: Singulár
Juis	: Dr. Benjamin Barros
Ministériu Públiku	: Dr. Bartolomeo de Araujo
Defeza	: Dr. João Cortereal (Advogadu Privadu)
Tipu desizaun	: Pena prizaun fulan 6 suspende tinan 1

Iha 08 Marsu 2016, Tribunál Distritál Suai prezide leitura sentensa ba krime ofensa ba integridade fízika simples ne'ebé involve arguidu CG hasoru nia feen, iha Distritu Covalima.

Iha julgamentu antes, ministériu públiku akuza katak iha 04 Juñu 2015, iha tuku 04:00 madrugada, arguidu ho lezada diskute malu tanba lezada lakohi atu arguidu kabem tan feen seluk. Arguidu tuku dala rua iha lezada nia kotuk laran, tebe dala rua iha lezada nia kidan no tata lezada nia tilun no hasan parte karuk. Aktu ne'e rezulta lezada tilun kanek, moras no bubu iha lezada nia kotuk laran, kidan no hasan.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples konjuga ho artigu 2, 3 no 35 (b) Lei Kontra Violénsia Doméstika.

Iha prosesu julgamentu, arguidu konfesa integralmente ba faktus sira iha akuzasaun no deklara katak nia arrepende ona nia hahalok. Aleinde ne'e, lezada kontinua reforsa

akuzasaun ministériu públiku no deklara katak nia perdua ona arguidu no too agora sira moris hamutuk hanesan feen ho laen no tau matan ba oan sira.

Iha alegasaun finál, ministériu públiku husu ba tribunál atu kondena arguidu ho pena prizaun tinan 1 fulan 6 no suspende ba tinan 2. Ministériu Públiku husu pena ne'e, atu halo prevensaun jerál ba krime violénsia doméstika no eduka arguidu atu la repete ninia hahalok ne'e iha futuru hasoru nia feen.

Iha parte seluk, defeza husu ba tribunál atu aplika pena suspensaun ne'ebé kmaan, justu no adakuadu ba arguidu.

Depoisde avalia faktu sira ne'ebé prodús durante julgamentu, tribunál konklui prosesu ne'e no kondena arguidu ho pena prizaun fulan 6 suspende ba tinan 1.

13. Krime ofensa ba integridade fízika simples

Nú. Prosesu	: 19/PEN/14/TDS
Kompozisaun tribunál	: Singulár
Juis	: Dr.Nasson Mario Armindo Marques Doutel Sarmento
Ministériu Públiku	: Dr. Bartolomeo de Araujo
Defeza	: Dr.Gaspar Fereira Gusmão (advogadu privadu)
Tipu desizaun	: Omologa

Iha 16 Marsu 2016,Tribunál Distritál Suai prezide prosesu tentativa konsiliaсаun ba krime ofensa ba integridade fízika simples ne'ebé involve arguidu AP no MIT hasoru lezada OMF, iha Distritu Covalima.

Ministériu Públiku akuza katak iha loron 18 Jullu 2015 arguidu AP lori fatuk tuda iha lezada nia aintur no arguida MIT basa dala rua ba lezada nia hasan loos no karuk. Aktu ne'e rezulta lezada moras iha lezada nia hasan no ain tur bubu.

Ministériu Públiku akuza arguidu sira kontra artigu 145 kona-ba ofensa ba integridade fízika simples.

Iha alegasaun finál, ministériu públiku no defeza konkorda akordu dame ne'ebé parte sira atinze iha prosesu konsiliaсаun ne'e no husu ba tribunál atu omologa kazu refere.

Bazeia ba akordu hosi parte rua no pedidu dezisténsia hosi lezada, tribunál konklui prosesu ne'e no omologa akordu hosi parte sira.

14. Krime ofensa ba integridade fízika simples

Nú. Prosesu	: 17/PEN/14/TDS
Kompozisaun tribunál	: Singulár

Juis	: Dr.Argentino Luisa Nunes
Ministériu Públiku	: Dr. Matias Soares
Defeza	: Dr.Manuel Amaral
Tipu desizaun	: Omologa

Iha 17 Marsu 2016, Tribunál Distritál Suai prezide prosesu tentativa konsiliasaun ba krime ofensa ba integridade fízika simples ne'ebé involve arguidu MB hasoru lezada MdC, iha Distritu Covalima.

Iha prosesu konsiliasaun ne'e, arguidu konfesa nia hahalok no deklara katak nia arrepende ona nia sala. Arguidu promete sei la halo tan krime ne'e iha futuru hasoru lezada no ba ema seluk. Tanba ne'e lezada deklara katak nia hakarak deziste fali nia keixa hasoru arguidu.

Ministériu Públiku akuza katak iha 10 Juñu 2015, arguidu basa dala ida iha lezada nia hasan loos no rezulta lezada sofre moras.

Ministériu Públiku akuza arguidu kontra artigu 145 kona-ba ofensa ba integridade fízika simples.

Iha alegasaun finál, ministériu públiku no defeza konkorda ho parte rua nia akordu dame ne'e no husu ba tribunál atu omologa akordu refere.

Bazeia ba akordu hosi parte rua no pedidu dezisténsia hosi lezada, tribunál konklui prosesu ne'e no omologa akordu hosi parte sira.

Atu hetan informasaun kle'an favor kontaktu direitamente:

Luis de Oliveira Sampaio
Diretor Ezekutivu JSMP
Diresaun e-mail: luis@jsmp.minihub.org
info@jsmp.minihub.org
Telefone: 3323883/77295795